

Oqaluttariarsorluni aamma oqaluttariarsorluni-tigussaasumik misilitsinnerit

Atuartitsissutini ukunani oqaluttariarsorluni aamma oqaluttariarsorluni-tigussaasumik misilitsinnerni qarasaasiamik atuinissaminnut atuartut periarfissaqassapput: Matematikki, Fysik/kemi, Uumasuseqartulerineq aamma Pinngortitaleriffiusumik nunalerutit. Periarfissaq tamanna inimi piareersarfiusumi aamma inimi misilitsiffiusumi atuuppoq.

Atuartitsissutini taakkunani programminik immikkut ittunik, allalluni programmit regnearkillu saniatigut ulluinnarnilu atuartitsinnermi atorneqartartunik atuinissaq pisariaqarsinnaavoq. Qarasaasiap internetsimut attaveqannginnissaanik piunasaqaat sutigut tamatigut atuuppoq.

Atuartitsissutini ukunani oqaluttariarsorluni misilitsinnerni qarasaasiamik atuisoqassanngilaq: Kalaallit oqaasii, Qallunaat oqaasii, Tuluit oqaasii, allamiut oqaasiisa pingajui, Inuiaqatigiilerineq kisalu Upperialerineq isumalioqqissaarnerlu.

Atuartup saqqummiussinnermini pisariaqartippagu, atuartitsissutini qanitariissuni Najukkani qinigasani misilitsinnerni qarasaasiaq atorneqarsinnaavoq. Atuartitsissutini ukunani aamma allalluni programmit nalinginnaasut saniatigut programminik immikkut ittunik atuinissaq pisariaqarsinnaavoq. Matumani aamma qarasaasiap internetsimut attaveqannginnissaanik piunasaqaat sutigut tamatigut atuuppoq.

Allattariarsorluni misilitsinnerit

Atuartunut ilitsersuut

1. **Qarasaasiap systemiata aaqqissuunera**

Misilitsinnernut atatillugu netværkit qarasaasiallu ataasiakkaat qanoq iluarsineqarsimanerinek ilisimatinneqassapput.

2. **Misilitsinnerup nalaani teknikkikkut ikiuisinnaaneq**

Atuarfiup ilisimatitsissutigisinnaavaa, misilitsinnerup nalaani ajornartorsiortoqalissappat programmini sorlorni ikiuisoqarsinnaassanersoq.

3. **Qarasaasiap avataatigut toqqorsiviusinnaasut**

Atuartut qarasaasiap avataatigut toqqorsivinnik atuisoqarsinnaanerannik ilisimatinneqassapput. Avataatigut toqqorsivinnik atuisoqarsinnaassappat (soorlu disketsinik imaluunniit memorystickinik), taakkua qaavisigut ateq allassimassaaq, inimiillu anniseqqusaassanngillat. Taakkua filinik inerteqqutaasunik imaqaarnersut aamma misissorneqassapput. Avataatigut toqqorsiviit atuarfimmit tunniunneqartut allaffissianik aalajangersumik qulequtalinnik imaqaarsinnaapput (dokumenter med fast sidehoved), tassanilu allanneqarsinnaassapput atuartup aqqa, cpr. normua, atuarfiup aqqa, misilitsissut suunersoq, klasse imaluunniit holdi.

4. **Naqiterinissamut (pappialanngorlugu udskrivinissamut) ilitsersuutit**

Ilitsersuut atuartut ataasiakkaat qanoq naqiterisinnaanerannik (udskrivinissanaanerannik) paasissutissanik erseqqissunik imaqassaaq.

5. **Sillimatinik toqqorsineq**

Misilitsinnerni qarasaasianik atuineri ajornartorsiutit nalinginnaanerpaat ilagaat, atuartut allatitik sillimaserlugit toqqorsineq ajormata. Matumani erseqqissarneqassaaq, atuartut allataminnik pisariaqartumik toqqorsinissartik namminneerlutik akisussaaffigimmassuk, tasunga ilaapput backupimik/sillimmammik ingerlaavartumik toqqortuisarnissaq.

Atuartunut malittarisassat nalinginnaasut eqqartornerini erseqqissumik ilitsersuussutigisari-aqarpoq, allatitik qanoq toqqortitertassaneraat. Nammineertumik backupip ingerlanissaanut aammalu allatat tammarniarnagit sillimmaseruinermut ilitsersuutit erseqqissut suliarineqarluarsinnaapput, soorlu fil-inik assigiinngitsumik atersuinikkut.

Nammineertumik backupilersuisarnissaq (autobackup) inassutigineqarpoq, taamaaliornikkut atuartup allatai kingulliit nassaareqqinneqarsinnaassammata. Allannermut programmimik nammineerluni toqqorsisartumik atuigaanni, programmi 5-10 minutsinik akuttussusilimmik toqqorsisartunngorlugu iluarsineqarsinnaavoq.

6. **Tunniussineq**

Ilitsersuut allatap kingulliup qanoq naqiternissaanik (udskrivernissaanik) tunniunneqarnissaanillu paasissutissanik imaqassaaq.

Misilitsinnerup ingerlanneqarnissaata piareersarnera

1. Atuartoq misilitsinnerup ingerlanerani teknikkikkut programmitigullu killilimmik ikiorserneqarnissaminut periarfissaqassaaq.
2. Nakkutilliinermi malittarisassat nalinginnaasut inaarutaasumik misilitsinnerit pillugit nalunaarutip kapitaliani 4-mi allaqqasut malinneqassapput. Nakkutilliisut meeqqat atuarfianni inaarutaasumik misilitsinnerni qarasaasiamik atuinissaq pillugu aamma atuartunut ilitsersuut kiisalu atuartitsissutini ataasiakkaani sunik ikiuutinik atuinissamut malittarisassanik atuutunik ilisimasaqarnissaat pingaartuuvoq.
3. Atuartoq ataasiinnarluunniit qarasaasiamik atuisappat, minnerpaamik nakkutilliisut ilaat aataaseq edb-mik ilisimasaqassaaq.
4. Atuarfiup aalajangissavaa qarasaasiat qanoq inissinneqassanersut, taamaattoq atuartut arlamik skærmimi allataat atuarsinnaassanngilaat aammalu arlatik timiminnik elektroniskiusumilluunniit angusinnaassanagit.

Naqiterineq (Udskrivineq)

1. Atuarfiup naqiterinissamut periusissat aalajangersassavai, naqitikkap kimit naqiterneqarnera nalornissutaasussaajunnaarlugu. Periutsit atuartup taamaallaat nammineq naqitikkaminik pissarsiaqartarnissaa qularnaassavaat. Pappialat ataasiakkaarlugit kimit pigineqarneri qularnaarneqassaaq. Atuartunit ilisimalluarneqassammata, piffissaalluartillugu naqiterinissamut periusissat aalajangersarneqariissapput.
2. Naqitikkat kimit pigineqarnerinut qulakkeerinnissutissat aalajangersaavigineqassapput. Matumani naqitikkat tamaasa atuartup aqqanik pilersornerisa saniatigut kodimik (soorlu maskiina atorlugu ilisarineqarsinnaasumik) taamaallaat atuarfiup kisimi ilisimasaanik atuisoqarsinnaavoq. Aamma naqitikkat piffissap qanoq ilinerani naqinneqarsimaneramik takussutissartaqarsinnaanerat iluaqutaasinnaavoq. Taamaattorli atuartup akissutaani nalilernerqartussatut tunniussani piffissaq tunniunneqarfia allanneqassanngilaq. Pappialap naqqani allataq aalajangersimasoq (fast bundtekst) titarnermi ataatsimiittoq atuartullu kinaaneranik paasissutissanik

imalik atorreqarsinnaavoq (atuartuq, qarasaasiaq, ulloq, pappialap normua, katillugit quppernerit qassiunersut). Periarfissaq alla tassaasinnaavoq, pappialat naqitikkat tamaasa aalajangersumik automatiskiusumillu aallaqqaaserneqartarnerat (immaqalu naggaserneqartarnerat) (bannerimik). Tassani qarasaasiaq ilisarineqarsinnaallunilu atuartuq kinaassusersineqarsinnaassaaq.

3. Aamma makro automatiskimilluunniit inissiisarneq assingusoq atorluarneqarsinnaavoq. Tassuma atuartup kinaanera/qarasaasiap sorliunera naqitikkami inississinnaavaa. Misilitsinnerup aallartinnerani tulluurtuusinnaavoq, atuartut tamarmik misilitsinneq aallartilersinnagu programmi makromik taamaattumik ingerlataqartikkunikku, lay-outimi erseqqarippallaangitsumik, kisiannili paasissutissanik pisariaqartunik imaqaartumik. Atuartup atia tamaat, atuartup atsiorfigisinnaasaa, atuartup cpr-normua, atuarfiup aqqa, klasse/holdip taaguutaa aamma nakkutilliisup atsiorfissaa.
4. Netværkikkut naqiterinikkullu amikkisaalinnginnissaq pisariaqartuuvoq. Inkjetprinter atoraanni nutaamik patroneqartittariaqarpoq. Atuartut tamarmik akissutitik annerpaamik 10 minutsit iluini naqitersinnaasariaqarpat.
5. Naqiterinerup nalaani ajutoortoqassagaluarpat imaluunniit qarasaasiaq ingerlasinnaajunnaarpat (systemip assigisaataluunniit ajutoornerisigut), pingaartuuvoq atuarfiup allatat tammannginnissaannik ilisimaarinninnissaa. Soorlu qarasaasiaq ajutoorutaasoq atuartullu disketit/memorsticksit atugai pilertortumik teknikkikkut ikiorsiisoqarnissaata tungaanut qularnaatsumik paarineqarsinnaasariaqarput.

Akissutip tunniunneqarnera

Atuartup nammineerluni pappialat naqitikkat tunniussassani isumagissavai pappialallu nalilersugasanik imallit tunniussani saqqaasigut atsiortussaallugit.

Fil-inut inerteqqutaasunut sillimanissaq

Pisariaqarpoq atuarfiup pisortaata – taassumaluunniit taartaata – taamaallaat programmit/fil-it akuerisaasut atuartunit atorreqarnerisa nakkutiginnissaat. Atuisut fil-it atugaasa iserfigineqarsinnaaneritut atatillugu qulakkeerinninnissaq/taakkuninngaluunniit paasiuminaatsunngortitsinnissaq periarfissasinnaavoq (adgangssikre/kryptere brugerfiler). Lokalnetsystemit ilaat progammunik nutaanik ilisimaarinnngisanillu nakkutilliissutitaqarput.

Matematikkimi kisitassani eqqarsaatigisarialinni (problemregning) qarasaasiamik atuneq

Atuartunut amerlanernut misilitsinnermi siuliani taaneqartumi qarasaasiamik atuinissaq annertunerumik iluaqutaassanngilaq. Matematikkimi allaqqissaarneq piffissamik annertungaatsiartumik atuiffiuserpoq.